

國家圖書館藏

綫裝書局

中華歷史人物別傳集

德元暨金太淑人行述

皇清例授通議大夫

誥授中憲大夫

特賜三品卿銜內務府郎中顯考仁圃府君暨

皇清例封淑人

誥封恭人顯妣金太淑人行述

嗚呼吾

父

母竟同時棄

不孝英貴

而長逝

哉痛念

不孝英貴

侍養之日少服官之日多常

以不能時奉

親訓爲恨尤愧作吏無狀不克

行述

蒙佑引福以延吾

親期頤之壽忝顏視息負

疚滋深然思

先府君平生規言矩行見敬於

寮案見重於

朝宁而

先太淑人之儉德懿訓戚黨相傳以爲

楷則若不及今詮次忍就湮沒則

不孝英貴

之

罪益重用是濡淚和墨敬謹編次以備

當代有道之君子采擇焉

府君姓索綽羅氏諱

德元字長善號仁圃滿洲內務府正白旗人先

世自遼左從

龍入關再傳至

誥授資政大夫晉贈光祿大夫內務府奉宸苑郎中

署內務府總管兼叅領諱都圖是爲 府君曾

祖配

誥封夫人晉贈一品夫人康太夫人生

誥贈光祿大夫國子監生諱石琦是爲 府君祖配

誥贈一品夫人齊太夫人生

行述

二

誥封光祿大夫諱明德是爲 府君父配

誥封一品太夫人卓佳太夫人生子五長爲 世父

乾隆丁巳進士厯官

經筵講官禮部尙書兼管樂部太常寺鴻臚寺事務

賜諡文莊定圃府君諱德保次爲 世父諱德馨幼

殤次爲 世父乾隆壬申進士厯官

盛京戶部侍郎兼管奉天府尹巽齋府君諱德風

次爲 世父乾隆壬申舉人厯官貴州糧儲道

野溪府君諱德隆 府君於兄弟行居五以雍

正十二年二月二十六日辰時生於京邸時

先大父家居寒素 先世父文莊公尙未通籍

以課讀爲生 先大母卓佳太夫人自乳 府

君 府君生而端穎自能言後常得二親之歡

髫齡入塾循循規矩不苟言不苟笑卽有成人

之度讀書數行俱下十歲後操筆爲文曉暢中

理塾師常亟稱之而 先大父晨夕面命 諸

行述

三

世父友愛怡怡講貫不厭 府君之學行尤得

諸父兄之訓爲多乾隆辛未 府君年十八受

知於督學使者禮部侍郎金匱張文恪公泰開

入泮爲附學生 文莊公時官翰林 三四兩

世父亦俱應禮部試一堂聚處互相啟發篝燈

展卷朝夕呶唔製藝研經業尤無間 先大父

母顧而相慰 府君每爲 不孝英貴 言之奉親

讀書之樂以此數年爲最越二年癸酉科鄉試

府君闢藝慘澹經營說理透徹出闈後呈質諸先輩俱以爲必售之技榜發中式一百十八名舉人本房爲吏部文選司員外郎雲南楊藻壇先生文揚撥房爲刑部江蘇司郎中記名御史漢川程松溪先生廷棟座師則

經筵講官吏部尚書協辦大學士興縣孫文定公嘉

淦

經筵講官禮部右侍郎長白茂承先生嵩壽編謁師

行述

四

門俱承推獎而孫文定公允拳拳以植品勵學爲訓府君生平每以文定公爲準則於淵源有深契焉府君兄弟四人時已兩官臺省四世父亦於壬申先捷秋闈至是府君繼捷一時有四韓四謝之目大父母在堂愉顏承慶戚里榮之是年吾母金太淑人來歸明年甲戌科禮闈報罷旋有大臣子弟不准會試之例因文莊公已官侍郎府君與四世父

俱於此科後格不入試府君旋由考補內務

府筆帖式入官以不得科甲爲恨故所以訓子

姪者尤深而不孝英貴終不克副府君之望

嗚呼痛哉乙亥歲不孝英貴生庚辰歲府君

年二十七補授內務府筆帖式實缺府君雖

年少入官而遇事必博稽詳校推覆再三始行

定稿同官重之是年不孝英貴弟英柱生丙戌

歲府君陞授茶膳房委署主事戊子歲先

行述

五

大母示疾府君晝夜侍側祈禱備至先大

母旋於十一月棄世府君搶呼哀痛見者下

淚時文莊公在順天學使任方按試外郡

四世父在江西宜黃縣任俱不及大事府君

與三世父舉行喪禮必誠必敬而外則慰

先大父悼亡之思內則銜先大母罔極之哀

讀禮過庭神形俱瘁辛卯歲服闋五月陞授

廣儲司主事壬辰歲十二月府君陞授管理

三旗銀兩莊頭處員外郎兼管房錢庫事務是年不孝英貴入泮爲附學生乙未歲先大父

棄世府君侍疾在喪俱如喪先大母時

文莊公在廣東巡撫任三世父在和闐辦事

大臣任府君與四世父敬謹共襄大事丁

酉歲服闋派提調

咸安官官學府君雖歷官十載猶手一編於此

役以謂尙有師儒之責時往訓迪寒暑無間而

行述

六

於教習之章程官學生之月課稽查必至督率

必嚴數年間在學者常撥科第以去是年英杜

入泮爲附學生庚子歲不孝英貴鄉試中式第

一百五名舉人府君以二子連年文戰俱利

益勗以讀書上進督課不衰辛丑歲府君因

四世父卒於貴州糧道任聞信痛哭鵠原之

恤逾時不忘壬寅歲府君調任掌儀司員外

郎是年孫廷璜生甲辰歲孫廷琨生乙巳歲不

孝英貴因辛丑甲辰兩科文莊公皆爲會試

總裁迴避不試是年由聚珍館議敘選授山西

長子縣知縣雖非府君所願亦原其爲貧而

仕臨行時慰勉遣之自後雖屢次逃職來京兼

申省視然終不能長奉顏色嗚呼痛哉丙午歲

府君陞授慎刑司郎中府君自庚辰歲入

官以來資格漸深職秩漸顯至是統領一司之

事凡事必秉公持正率先僚屬鈎稽吏胥勤勤

行述

七

懇懇視官事如家事或遇堂官有咨詰之案則

必反覆申明據理而陳無所迴護同僚中有唯

阿曲就時事者府君必拂然力矯其習從不

附和詭隨當時或亦苦其拘過時無不欽其品

至以奔走趨奉爲能者則受府君之藥石亦

復不少前後掌司事二十餘年常如一日是年

不孝英貴調繁榆次縣知縣三世父卒於京

師明年英杜亦感病亡府君連年遭骨肉之

痛心境較前大減戊申歲 府君因所屬莊頭
互控經總管內務府大臣大學士和坤奏部
議降二級以主事用是年五月補掌儀司主事
己酉歲 文莊公卒於位 府君兄長三人至
是皆歸道山而 文莊公長於 府君幾二十
年初年訓導備至事兄如師猝然溘逝含痛益
深庚戌歲五月 府君陞授慶豐司員外郎旋
調磁庫員外郎提調景山官學督課如在

行述

八

咸安宮時壬子歲調任緞庫員外郎是年 不孝英貴
推陞四川重慶府通判引

見入都

府君益勵以爲政愛民之道乙卯歲 府君
年六十二入千叟宴蒙

恩賜杖及珍物有差調任慎刑司員外郎嘉慶丁巳

歲 孫廷珪 小試入泮爲附學生已未歲 孫廷瑣

亦卽入泮是年 孫廷珪 殤其年僅止十六 府

君以此子幼孤資頗開敏髫年入學可望有成

今遽夭折愴然悼之壬戌歲五月 府君陞授
管理三旗銀兩莊頭處郎中舊跡重循官箴益
勵凡戶口冊籍輸將出入之數鈎考彌勤是年

不孝英貴 陞授四川直隸州知州旋引

見入都癸亥歲四月 府君蒙

恩簡放山海關監督

陞辭出都山海關爲奉天入京要道魚鹽海錯之來
俱由此路自明以來卽設權務 府君到任後

行述

九

一切裕課便商之道無不悉心籌畫皆期有益
於公而無害於民行李便之是年 不孝英貴 因

在軍營出力

賞加知府銜甲子歲六月 府君差滿復

命奏對稱

旨仍回原任丙寅歲 不孝英貴 調補四川瀘州直隸

州知州丁卯歲 孫廷瑣 鄉試中式一百六十七

名舉人 府君聞信快慰以謂三世書香可繼

并謂此子將來必能補吾未竟之志益延名師訓課不懈戊辰歲 府君因胞姪 英和 爲總管

內務府大臣迴避調補

暢春園郎中是年 孫廷璜 由

實錄館議敘授內務府委署主事庚午歲 府君年七

十七自以爲協於古人引年之義呈請休致卽

蒙

恩允 府君本通內典自致仕後日往叢林蕭寺與

行述

十

道家釋侶縱談經律終日不倦而神明視聽一

切未衰羣皆以爲上壽之徵是年 不孝英貴 陞

授四川綏定府知府引

見入都癸酉歲四月 孫廷璜 因 府君係前癸酉登

科今逢花甲重周呈請重赴鹿鳴筵宴經順天

府尹鄒公代奏復經 四弟英和 面奏是月二十

五日奉

上諭鄒炳泰等奏原任內務府郎中德元現年八十

歲係乾隆癸酉科舉人本年值癸酉科鄉試循例

懇請重赴鹿鳴筵宴等語德元係原任尙書德保

胞弟現任侍郎英和胞叔德保歟歷中外曾充尙

書房總師傅宣力有年英和現官卿貳供職勤慎

今德元年登八十桂榜重逢洵屬儒林嘉瑞德元

著加恩賞給三品卿銜 准其 重赴鹿鳴筵宴以光

盛典欽此 府君於得

旨後卽肅衣冠叩頭祇謝

行述

三

天恩凡能重赴鹿鳴宴者數十年中不過五六人而

在滿洲科第中尤不數覲誠爲一時榮遇親知

來賀者羣以謂不世之遭逢也詎料 府君自

四月上旬卽患內熱之症便溺不通醫家來診

皆謂 府君脉氣尚厚可以進清降之劑服藥

後所患漸解自蒙

恩旨中心感激神采漸舒孰知自五月初卽飲食愈

減漸至終日不進一盂但思茗飲服藥不效 孫

廷璜等計無所出尚謂 府君精氣素充新膺

天寵餘慶方彰猶冀淑氣回春勿藥有喜其時 府

君雖終日偃卧而言語清明如故至初十日傍

晚尚語及 四弟英和 日來官事 孫廷璜 隨問隨

答旋即酣卧五更時 孫廷璜 進茗卽令扶起延

至十一日寅時端坐長逝嗚呼痛哉維時 不孝

英貴 身繫一官遠宦萬里生不能盡孝養歿不

能視含歛呼天莫及抱恨終天嗚呼痛哉 府

行述

三

君自幼至老學行恒以宋五子爲宗一言一動

必求躬行實踐故生平嚴氣正性與夫實心任

事之政往往相類晚年參以禪學其於榮利之

念泊如施棺設齋力行善事而於族戚朋友之

間以忠厚存心以古道相照有求必應有阨必

矜事有合於古人者雖不識其人亦推重而樂

道之反是則面斥之不留餘地推誠接物不作

尋常世故之態爲文章但主於發明理趣不務

浮華故亦無炫世求名之作好飲酒而從無纖

介之過生平至性過人遭 大父母及 諸世

父喪皆哀感過禮 四弟英和 爲 文莊公子自

其失怙後卽令在家讀書勉勵學業其後厯官

通顯亦時時勗以 文莊公之功業是繼不少

假借 四弟英和 亦敬承不衰 五弟英誠 爲 三

世父子失怙時年僅十齡 府君爲之延師訓

課藉以成立 二弟英林 爲四世父子曾舉拔萃

行述

三

科於壬申年病卒 府君哭之而撫其遺孤

府君舊有知人之鑒識法時帆學士於幼時卽

決其不凡令與 不孝英貴 及 四弟英和 先後同

學後學士官雖不達而文章風度爲海內推重

晚年猶時詣 府君問安受教焉 不孝英貴 每

轉一階必勵以致身澤民時時寄訓 英柱 幼年

體弱 府君亦督課甚嚴不爲姑息之愛而今

已矣終不能奉 府君之明訓矣嗚呼痛哉

府君享年八十歲由乾隆癸酉科舉人歷官內

務府

暢春園郎中加三級

特賜三品卿銜

誥授中憲大夫例授通議大夫配吾 母金太淑人

正白旗漢軍內務府茶庫員外郎諱福禧公女

行三生而端莊淑慎 先大父母聞之爲 府

君締姻焉年二十一來歸 府君善事 大父

行述

西

母得其歡心與 府君鴻案相莊門以內皆無

幾微之間 府君時方與諸 世父析居一切

日用器皿都無成物 太淑人黽勉有無輾轉

籌備以應數十年來艱難困苦之況蓋備嘗之

府君後官郎中依然清苦中饋之計俱資

太淑人擘畫癸亥歲隨 府君至山海關監督

任間一年還京師自 府君

簡任稅差及 不孝英貴 調任瀘州後家計稍裕然

太淑人事事處以儉德未嘗物踰其則也平生

待人接物言動必循禮法而於訓導兒女至爲

嚴切寒窓燈火時時警戒 不孝英貴 至今不敢

暫忘其待兩子婦教誨有方而均平如一 府

君性嚴毅動輒聲色俱厲 太淑人婉順隱容

往往默解自 不孝英貴 出仕以後 英桂 夫婦前

後卒 孫廷珉 亦殤 太淑人歷更多故其後 孫

廷璜 授室 孫女 出閣皆在京師均仗 太淑人

行述

五

經理婚嫁每有缺乏支左紉右挪東補西處處

裕如皆不至臨時猝辦所謂女中丈夫也中年

以來奉佛戒殺一月之內持齋二十餘日早晚

跌坐誦經焚香爲識皆至一時之久專志皈依

發於天性自幼卽工女紅針指及老年尚能爲

之遭 府君喪 太淑人年已踰八十猶終日

匍匐行禮其不愆於度如此以嘉慶十八年去

府君卒後六月時爲十一月初四日戌時無

疾而終嗚呼痛哉

不孝英貴

方署理夔州府事

以是年七月奉 府君之訃搶地呼天痛定後

復思 太淑人在堂時處倚廬猶可時奉顏色

乃奔喪道梗間開始達京師離京數十里驚聞

太淑人先時棄養角崩投地痛益加痛自問

福薄災生生我育我同年見背存不能奉色養

歿不獲躬殯歛不可爲人不可爲子罪孽深重

至於此極尚何言哉 太淑人生於雍正十一

行述

夫

年五月初八日亥時享年八十有一歲

誥封恭人例封淑人生子二長卽

不孝英貴

乾隆庚

子舉人歷官山西長子榆次縣知縣四川重慶

府通判西陽瀘州直隸州知州綏定府知府

奏留四川以道員補用娶他塔喇氏鑲黃旗滿洲

原任刑部郎中福德公女繼娶棟鄂氏正白旗

滿洲原任

盛京戶部主事富森泰公女次

英柱

廩膳生員候

補筆帖式先 府君卒娶李氏正白旗漢軍原

任堂郎中兼護軍統領延強公女女二長適正

藍旗滿洲原任兵部侍郎兼翰林院掌院學士

覺羅奉寬公之長子世襲佐領麟志次適鑲黃

旗漢軍原任江西巡撫郝碩公之八子候選通

判郝寧安孫二人

廷璜

嘉慶丁卯舉人內務府

營造司委署主事娶傅察氏正白旗滿洲現任

武備院員外郎明綸公女

不孝英貴

出 廷琨增

行述

七

廣生未娶先

府君卒

英柱

出孫女一人適正

藍旗蒙古原任廣東同知薩爾圖公之長子現

任吉林副都統松寧

不孝英貴

出曾孫女一人

孫廷瓚

出未字

不孝英貴

苦次無文敘述昏瞽

掛一漏萬伏祈

當代大人先生賜之銘誄感且不朽

不孝孤哀子英貴泣血稽顙謹述

賜進士出身

誥授光祿大夫

經筵講官

太保

文華殿大學士

文淵閣領閣事軍機大臣管理刑部事務騎都尉世

恩姪董誥頓首拜填諱

六

秋浦府君行述

皇清誥封奉直大夫刑部陝西清吏司主事晉
封朝議大夫刑部廣東清吏司郎中江南揚州
府知府

誥贈中憲大夫江南江安督糧道歲貢生候選
訓導顯考秋浦府君行述

嗚呼痛哉自府君棄養以來 不孝等 抱恨終天

日月奄忽銜恤偷生不覺越大祥之祭矣回溯
府君考終官舍時 不孝成憲 方督漕北行 彝憲

行述

攝常山學監理崇文書院 紹憲 分發閩省過家

治衰均不克趨承左右嘗藥視含闕然同疚其

侍疾奠斂者惟吾母吳太恭人躬率 不孝景萬

暨 長媳秦氏等 在側耳籲祈罔效倉卒多訾 不

孝等 子職全虧鮮民之生不如死之久矣 不孝

等 無似不足揚府君之潛德若不及今臚具梗

槩冀微惠於

當代立言之君子傳示不朽則罪愈難追隱憾

靡涯用敢鳴咽申紙而件繫其事焉府君姓魏氏諱銀河字星槎號秋浦先世由汴梁遷明州蔚爲望族今慈谿有魏家橋歷代祠墓咸在宋孝宗朝刑部員外郎器夫公諱栢爲右僕射文節公介弟文章政績詳郡邑志五傳至東泉公諱伯珪舉五子以仁義禮智信分支長曰仰雲公諱廷椿是爲仁房初祖子姓實繁十二傳至高祖明全公諱煒世承大宗有隱德壽躋九十

行述

二

有二舉鄉飲賓始家於杭曾祖子揚公諱德芳純行早世本生曾祖子元公諱德昇乃子揚公仲兄生五子次爲先大父蘆溪公諱宗珮候選州同知

誥贈奉直大夫刑部陝西清吏司主事晉朝議大夫刑部廣東清吏司郎中再晉中憲大夫江南江安督糧道葺祠脩譜歲祫捐賑樂善不倦至今嘖嘖在人口大母章

誥贈宜人屢晉恭人生子五府君其季也幼而孝友醇篤方髫髻時章太恭人嬰羸疾沈綿五六載府君侍奉湯藥未嘗廢離十四歲丁章太恭人憂擗踊中禮如成人時中憲公春秋高二姑母長府君五歲尚在室晨昏定省形影相依色養偏親長在楊畔年十八吾母吳太恭人來歸怡色柔聲佐府君具甘旨問煥寒以承中憲公之歡者靡不至又八年而中憲公卽世府君

行述

三

毀幾滅性春秋諱日素服上食目瞿心瞿哀慕終身不少釋慈邑爲先人邱隴之鄉宗祠在焉族人高中憲公行義僉言當奉栗主入祠府君躬送渡江成禮後徧拜祖塋賦詩謹紀有石骨暖融藏乳竇松根靈萃長蘭英雲擁層巒垂翠柏風回峻巘擺蒼藤之句玉几山人陳撰喜誦之謂能寫名山雄秀勝概府君手書橫卷鐫石祠壁迄今猶爭相撫搨至若拓祠垣增綽楔懲

盜葬護宰樹隨事竭誠悉數之未可終也府君性穎悟六歲就外傳讀書十行俱下中憲公最所器愛初應童子試太守吳公諱作哲拔府君文置第一旋受知學使者東武寶東臯先生入錢塘縣學爲名諸生時天台齊息園宗伯主講敷文書院府君偕吾舅竹堂吳公竝以詩文請益屢邀擊賞目爲後來之秀若杭堇浦太史丁龍泓吳西林兩隱君汪槐堂徵君吟壇賡和咸行述

四

引爲忘年交後三十餘年東臯先生主甲寅京兆試成憲與分校之列襄閱之暇先生猶舉府君試作藉田詩有靈雨濯蒼龍五字雅近唐音而北平翁覃溪學士贈府君詩云湖山幾箇論耆舊及共齊杭唱和來于以知師友淵源其來有自總憲胡文恪公於府君爲亞壻乾隆乙亥丙子間館於其家之思補軒時文恪公以中書在假竹堂舅間日過從研經紬史旁及六書七

音之學或戰文戰詩輒至午夜猶交相切劘不少倦後雖南北睽違而一月中必手書數至善交久敬白頭如新己酉歲文恪公典學江南下車卽抱劇疾府君聞與竹堂舅買舟往問文恪公執手涕下旋贈詩云四十年前素心侶一窗燈火夜論文府君荅詩云寒窗冰雪心猶在避俗常攜一卷文其氣誼之相孚可想見矣府君踐履篤實不言而躬行敦崇根本發于至誠先行述

五

是章太恭人葬邑之花園亭維時中憲公在堂復土後連殤幼孫康寧之日少中憲公以卜壤未吉爲嫌卽主合葬非古之說逮乎捐館諸伯父重逢先命而以檀弓出漢儒手非聖經比猶豫未決府君考昌黎韓氏滎陽鄭公墓碑遺命二夫人各別爲墓不合葬又讀朱子大全集知其葬父崇安葬母建陽周益公爲之銘不以分葬爲疑議遂定時諸伯父年齒較高艱于登頓

府君獨任其勞行營幽竈披榛莽犯暑寒閱十
餘年始獲吉地于佛日塢之原負土種松會葬
者咸稱知禮而於章太恭人故隴則相度封培
焉克成先志如此其難且慎也二伯父靜陬公
中年遭奇疾日一舉發痰涌有聲輒不省事久
更却飯不御醪醴湯液子惟上爵兄一人年纔
舞象家事悉委之府君自延師授室以至田宅
奇贏米鹽零雜府君盡心區畫鉅細不遺憶上
行述

六

爵兄赴郡試值甚雨府君持傘著屐身送逆之
出卽令背誦試藝益爲講導曰不則無以安兄
嫂心後上爵兄有聲庠序治家井井然疑事大
事必先諮稟得府君片言乃定三伯父復堂公
五旬外連喪子女鬱鬱若有所失府君命第三
弟蓉爲之後弟恂謹力學色養無違旋補錢塘
學生復堂公藉以加慰不孝成憲官刑部員外
郎時府君先受

恩封命於員外任內請

封復堂公奉直大夫已而陳情報可正值復堂
公七旬壽日雙扶鳩杖同拜

鸞書觴舉顏和老懷以暢憶乾隆戊申夏

成憲

承

命校四庫書於

文淵閣下蒙

賜紗葛各一端什襲寄家以榮

行述

七

恩賚府君製袍二領先呈復堂公擇用後乃自
服其一蓋友于之愛隨事流露舉一而其餘可
例矣從父襟三公府君之堂兄也與伯母姚孺
人凌孺人及彩儲兄先後下世纍纍四棺孑然
無後府君將爲營葬值窘乏出所藏古玉磬售
之得金而後集事章太恭人之姪曰盈川爲府
君中表兄沒而乏嗣淺土多年府君爲耐藏于
其先塋更念章氏家無餘丁祭埽幾闕其先塋

在秦亭山麓之丁家村距章太恭人墓一里許
府君謀于大伯父瑤圃公每歲春秋于章太恭
人上冢之辰別治具以展章氏先塋且命世以
爲常而外家之祀不廢復堂公於甲寅冬辭世
弟蓉更事尚淺府君兼庀其家政越四載戊午
營窆窆於阜亭山下已卜葬期蓉溽暑往來體
固疲茶復力疾應秋賦再入闈而加劇竟不克
終三試蓉歿後府君念其諸孤未成立命不孝

行述

八

彝憲紹憲

代爲經紀奉復堂公暨高宜人柩如

期合葬而以兄械

女弟珍

祔於其廬府君臨穴

長號不勝悲怛後每語及淚潄潄如雨下不孝

等

雖婉詞慰譬而府君實自此形銷貌瘁矣與

人交不設城府無貴賤皆相接以禮尤喜引掖

後進扶持善類他若濟困卹貧解紛排難之事

更不可勝紀同里任湖

家貧嗜學年幾四十猶

應童試府君偶見所業曰是雜學而不諳文律

屢黜固宜招致於家飲食而指授之不三月試

列前茅與成憲

同入仁和學布衣丁松老佺

爲

龍泓隱君季子兀傲自負有耿介絕俗之標從

不屑受人饋遺時當沍寒府君造其廬解衣衣

之松老以詩謝云綈袍解贈情何限記取年時

戊子冬感府君之誠也後門寒人傳姓業傭販

久病斷炊府君偶出見其攜一子襁一女交相

泣問之則其妻將受值爲乳媼子女無所依且

行述

九

得值無多不敷藥食府君曰是坐以待斃也假

以錢米令返其妻於家扶持湯藥病者以愈後

二年傳忽熱疾自沈亡賴者教以地近魏家可

索錢以斂而傳妻謂前歲夫病篤微魏家則夫

妻子女早已折離今死命也忍藉索耶府君聞

仍賙卹之乾隆戊子人日居民不戒于火延燒

數十家門閭燼焉府君曰吾廳事只隔短垣反

風獲安厚幸矣念比鄰寡人子檢掇焚餘必皆

罔措因各量加伙助并遣力以佐之逮重構街
屋竹木鱗集夫匠夜火偶遺焰猝發府君猶未
趨及而隣已畢赴汲者撲者俄頃卽熄蓋府君
於造次之際曲爲人謀用能感人之深食人之
報多此類晨有市肆傭保高擎湯麪一器約六
七碗中衢行值販者擔魚疾趨至突衝之器墮
而碗盡碎傭保偏償販者苦身無一錢市人羣
欲賤售其魚販者垂首喪氣不知所爲府君見

行述

十

之縱令去詢麪值出家中碗如數償焉販者暮
歸踵門謝且言今日利三倍若坐困措償魚不
將餒耶乙巳夏大旱歲祲有門攤貨花竹竿者
忽流民數十人過以礮道交詈之各取一竿須
臾散貨者無如何大慟曰家有五口當此儉歲
日售百十錢尚難以供糗粥今資本罄盡餓死
而已府君呼之前陰授千錢俾作本且戒勿言
其人感泣安業如初里有何姓少年鬻米以養

寡母會衆建北新橋董事者以畸零捐數觀望
不納爲病索及何語侵之何負氣爭角被以推
毆老人訴里正其繫之將控於官府君曰是借
端警衆耳寡弱何堪理解而訟以寢閱歲成憲
禮闈試捷何姓寡母聞信喜甚呼語隣媼曰是
若翁種德之報否則昨冬我家破矣至于處人
骨肉之間扶持顛沛之頃酌理準情而不動聲
色震風淩雨而幸獲併幪甚或偏聽乖睽以怨

行述

十一

報德卒能克己全交坦懷共信府君以事關親
弗惟恐人知而人頗有誦之者不孝等當體府
君之心以爲心故不更覲縷焉居隣餘塘巷近
川爲萬蒲灘塘路崎嶇灘更淤淺行者不以爲
便府君倡捐集工礎石而浚深之屋後清川往
還舟楫數十年來無復邪許之苦中憲公之葬
佛日塢也其地有亭踊途有梁跨渠而山徑犖
确久不脩治府君捐金築路自淨慧寺達仙姑